



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Electores Imperatorvm.

urn:nbn:de:hbz:466:1-15625

dum nulla in eo libro prætermittitur occasio carpendi Romanos
Pontifices, imo & sine occasione, omnia ipsorum facta in deteriorem
accipiens partem, cordis secreta rimans, & in malum sensum semper
interpretans, in eos eorumque ministros acerbissime inuechitur semper,
nec parcit yngnam: ut plane de illo sit iure meritoque dicendum:
Malus homo de thesauro suo profert mala, cum & secundum illud
dictum Saluatoris acciderit ipse: *Si oculus tuus nequam fuerit, totum*
corpus tenebrosum erit: dum etiam quæque sancta, quæque iusta ac
pia in prauum sensum accipiens, fugillat pariter & infamat. Sed quid
accidit? cum liber iste, indignus luce a maioribus iudicatus, occul-
tatus lateret in angulo, his ipsis temporibus nostris, magno præco-
nio tamquam prævia face, emersit in lucem, nouatoris opera editus
Londini in Anglia, anno Redemptoris millesimo quingentesimo se-
ptuagesimo primo. A quo libro si quis demat calumnias, inuectivas,
dicacities, & blasphemias in apostolicam sedem frequenter iteratas,
aureum sane dixerit commentarium, vtpote quod ex publicis monu-
mentis, totidem verbis redditis (ut dictum est) egregie contextum
& coagmentatum inueniatur.

De Conci-
lio eccl-
emenico sub
Innocentio
papa IV.

In quo quidem inter alia nobilia monumenta habentur acta Con-
cilii Lugdunensis cœcumenici, cui interfuerunt in primis ipse qui in-
dixit Innocentius papa IV. anno Redemptoris millesimo ducentesi-
mo quadragesimo quinto, simulque duo patriarcha orientales, Con-
stantinopolitanus videlicet & Antiochenus, suamque præsentiam
eidem exhibuit imperator Constantinopolitanus, præter alias prin-
cipes, regumque legatos, post præsides diuersarum ecclesiarum. In
eo autem post excommunicationis sententiam promulgatam ab ipso
pontifice in Fridericum imperatorem, post tractationem eorum que
spectant ad expeditionem in subsidium terræ sanctæ, complura alia
ad statum ecclesie bene disponendum constituta sunt, & inter alia ti-
tulus est additus de electionibus, ob litium decisionem, in eoque si-
mul septem definiti ab eodem pontifice electores imperatorum le-
guntur his verbis:

ELECTORES IMPERATORVM.

Septem pri-
mitus insti-
tuti electo-
res.

LAICI { Dux Austriae.
Dux Bavariae.
Dux Saxonum.
Dux Brabantia, qui & Louania.

PRÆLATI { Archiepiscopus Colonensis.
Archiepiscopus Moguntinus.
Saltzburgensis. } PRINCIPALES.

Sequuntur hæc: *Isti ducentur in insulam quamdam Rheni, & di-
mittentur soli in ea, & amouebuntur omnes naricule, & ibi tractabunt
de electione imperatoris. Nec adueniat aliquis ad eos, donec sint concordes.
Huic negotio preerit archiepiscopus Colonensis, secundus Moguntinus,
tertius Saltzburgensis.*

ANNO
CHRISTI
996. Hæc de electoribus septenario numero definitis. Stetit numerus
conscriptus, perseuerauitque in futurum; personæ autem quatuor
mutatæ, nempe ut pro Saltzburghensi positus fuerit archiepiscopus
Treuirenſis, proque tribus illis ducibus, Austriae, Bauariae, atque Bra-
bantiae, fuerint subrogati, comes palatinus Rheni, marchio Brande-
burgensis, atque rex Bohemiae, qui potius locum teneret definatoris,
si discrepant electores, quam vnius ex electoribus ipsis.

A quonam autem, retento electorum septenario numero, facta
fuerit ista mutatio, num ab eodem Innocentio, vel alio aliquo ex suc-
cessoribus eius, hoc fatemur nos latere. Ex conuentione autem
Germaniae principum id esse sanctum, qui sui temporis chronicon
scripsit, perduxitque usque ad annum ducentesimum quinquagesi-
mum sextum, post indicium sub Innocentio IV. Concilium Lugdu-
nense annos undecim, Albertus abbas Stadenſis, quod haud pridem
Helmaſtadii cusum est, anno Domini 1587. hæc habet: *Ex prataxa-
tione principum & consensu eligunt imperatorem, Treuirensis, Mogun-
tinus, & Coloniensis. & de ſecularibus: Palatinus eligit, (inquit) quia
dapifer est; dux Saxoniae, quia marscalcus; & margrauius de Bran-
denburg, quia camerarius: rex Bohemiae, qui pincerna est, non eligit, quia
non est Teutonicus.* Hæc ipſe.

Ex quibus illud in primis intelligere possumus, id ipsis expo-
ſcentibus principibus simul consentientibus, (nam hoc est illud
quod ait *ex prataxatione principum & consensu*) vel ab ipso Innocen-
tio IV. post Lugdunense Concilium factum esse, vel sub eius suc-
cessore Alexandro IV. cuius annus secundus incidit in annum Red-
emptoris 1256. ad quem dictus auctor suum perduxit chronicon, &
non ab ipsis principibus sua sponte: nam cuius fuit de septem elec-
toribus legem condere, non alterius quam ipsius esse potuit eam aliquo
modo mutare, vel quomodolibet moderari.

Elicitur etiam ex dicta Alberti assertione, ipsum regem Bohemiae
nondum in electorem vel definitorem inter electores ad numerum
septenarium cooptatum fuisse, ante scilicet dictum annum quinqua-
gesimum sextum post millesimum ducentesimum, quo ea ipſe scri-
bebat. Quod vero qui ab Innocentio electi principes electores dux
Austriae, dux Bauariae, & dux Brabantiae cesserint aliis, inde proue-
nisse videri potest, quod magis cuperent eligi, quam eligere impera-
tores; siveque inter eligendos potius quam inter electores locum ha-
bere maluerint.

Porro ante hæc tempora nullum historicorum inuenire est, qui
vel nomine tenus septem electorum meminerit. Qui primus horum
meminisse reperitur Martinus Polonus, qui claruit eodem Innocen-
tio papa IV. in Ottone III. de istis agit his verbis: *Et licet iſti tres Ot-
tones per ſucceſſionem generis regnauerint, tamen poſtea fuit inſtitutum, ut
per officiales imperii imperator eligeretur, qui ſunt ſep-tem, videlicet pri-
mi tres cancellarii, Moguntinus Germanie, Treuirensis Gallie, Colo-
niensis Italie, marchio Brandenburgensis camerarius eſt, palatinus dapifer,
dux Saxonia enſem portat, rex Bohemus pincernam agit. Vnde verſus:*

*Moguntinensis, Treuirenensis, Coloniensis,
Quilibet imperii fit cancellarius horum,
Et palatinus dapifer, dux portitor ensis,
Marchio praepositus camere, pincerna Bohemus:
Hi statuunt dominum cunctis per secula sumnum.*

Hæc Martinus, primus omnium auctor qui septem meminit electorum, in Ottone III. referens quæ postea suo tempore facta essem. Vnde irrepsit error, vt sub Ottone III. sub quo id ab eo scriptum inuenierunt, multi putauerint septem fuisse creatos electores, scripserintque a Gregorio factum, quod scriptum repererunt sub codem Gregorio papa V. nimurum ab ipso eosdem septem constitutos fuisse electores. Cum tamen illud quod Martinus ait: *Tamen postea fuit institutum, ut per officiales imperii, &c. ad sua ipsius Martini tempora (vt audisti) sit referendum.* Et cum non alias quam Martinus (vt dictum est) primus auctor huius assertionis habeatur, (nullus enim, quod repetendum est, ante eum repertus est auctor qui vel nomine tenus septem electorum meminerit) ad ipsum allusisse oportuit sanctum Thomam, dum de regimine principum scribens hæc obiter ait: *Otto imperium tenuit usque ad tertiam generationem, quorum quilibet vocatus est Otto. Et tunc (ut historici tradunt) per Gregorium V. genere similiter Teutonicum prouisa est electio, ut videlicet per septem principes Alemannia fiat, que usque ad ista tempora perseverat, quod est spatium ducentorum septuaginta annorum vel circiter, & tantum durabit quantum Romana ecclesia, que supremum gradum in principatu tenet, Christi fidelibus expediens iudicauerit.* Hæc sanctus Thomas: qui cum numeret ducentos septuaginta vel circiter annos a Gregorio V. utique ad ultima tempora eiusdem sancti doctoris ea est scriptio referenda, cum ipse obiisse dicatur anno septuagesimo quinto post millesimum atque ducentesimum annum.

Ceterum et si Martini historia hæc excedat tempora, ut quæ perueniat usque ad annos Redemptoris mille ducentos septuaginta sex, eam prius editam, annuis accessionibus, dum vixit, auctam possumus existimare. Cum igitur sanctus doctor his quæ afferit de septem electoribus citet historias, nec aliæ usquam sint inuenire quæ septem electorum meminerint, nisi Martini in Ottone III. ipse eum secutus, quod ipsum sensisse putauit, bona fide conscripsit, sicut & ceteri postea eadem scribentes fecissent noscuntur. Verum non dixit Martinus: Post Ottонem id fuit obseruatum, sed sic: *Postea fuit institutum, ut per officiales imperii, &c. Quando autem acciderit illud, postea, certe non ante Innocentium IV. ut est demonstratum.* Verum amphibologia Martini scriptores illos omnes fecit errare, qui constitutionem septem electorum Gregorio V. tribuerunt, qui tantum auctor reperitur fuisse, ut electio regis in imperatorem promouendi (ut superius dictum est) ad omnes Germaniae principes & prelatos imperii feudatarios pertineret. At hæc his satis qui puram diligunt veritatem. *Hæc Baronius anno 996. numero 54. & sequentibus.*

VITA

Thom. de
reg. prin.
lib. 3, c. 19.